

澄城縣志

地 170.149

37

12

部

澄城縣志卷六

學校 義學附

羅仲素曰教化者朝廷之先務廉恥者士人之美節風俗者天下之大事朝廷有教化則士人有廉恥士人有廉恥則天下有風俗學校之設顧不重哉澄為左輔屬邑俗猶強悍而醇樸尚義於廉恥為近施以教化其猶易治之民歟

儒學

學署詳建置

唐以前世遠不能徵宋有大觀聖作之碑

元至元二十七年知縣薛文耀重修

宣聖廟劉忠撰記皇慶二年知縣張洵重修講堂岳松撰記俱見金石明洪武二年知縣王秩重建正統四年知縣楊季

澄城縣志

卷六

學校

一

琦重建洪治甲寅知縣楊泰重修長安吉人撰碑見藝文嘉靖十年知縣洪廷玉奉勅創建敬一亭三楹嘉靖二十三年知縣鄭光溥新修廟學朝邑韓邦奇撰碑見藝文嘉靖二十七年知縣徐效賢創修名宦鄉賢二祠以補缺典嘉靖二十九年知縣敖佐首建號舍完二祠置祭器 木邊百二十銅爵二十萬曆十七年諸生以形家言學宮不利科第謀遷城中告之堂公不可於是諸生張宏道權可法等抱先師先賢木主徙之按察舊署中朱其門事聞監司僅法一二首事者以懲其擅學宮遂改於今所居城北街之左其後科第果有人而首事之後亦多成立云崇正七年流寇焚燬東廡知縣傅應鳳重修邑進士韓一良記

國朝順治六年知縣姚欽明重修蒲城進士原毓宗有記見
藝文乾隆三十三年知縣額樂春重修又於西北隅增建齋
房二間工未竣知縣戴治續成之自撰碑見藝文

文廟大成殿五楹東西廡各七楹戟門三楹柱以石柱上鐫
大觀三年三月二十八日等字櫺星門三楹萬厯間諸生路
世美等創修泮池於戟門前路世美有記見藝文道光二十
九年知縣金玉麟勸邑人中書連江重修

啟聖祠三楹在大成殿左嘉靖十年知縣洪廷玉奉敕創建
祀啟聖公配享顏無繇曾點孔鯉孟孫氏於廡以先儒程珦
朱松蔡元定爲從祀道光辛丑知縣張籤勸邑人中書連江
捐金重修

澄城縣志

卷六

學校

二

名宦祠三楹在學宮泮池左嘉靖己酉知縣徐效賢申請創
建知縣敖佐續成之道光二十九年知縣金玉麟勸邑人中書
連江重修祀唐縣令鄭楚相宋知縣呂大防明知縣楊季琦
徐效賢

鄉賢祠三楹在泮池右嘉靖己酉知縣徐效賢申請創建知
縣敖佐續成之道光二十九年知縣金玉麟勸邑人中書連江
重修祀明南京工部尙書潘友直交趾道監察御史雷恭南
京戶部郎中許英四川敘州府同知路車直隸保定府通判
白璠戶科給事中韓一良鞏昌府教授王崇教

國朝生員張秉直

明倫堂五楹在大成殿後乾隆三十六年知縣高質敬重修

東博文齋五楹 今訓導署基 西約禮齋五楹 今教諭署基 道光丁亥知縣車礪重修教諭張儲文撰記見藝文 講堂舊在明倫堂後又有知縣楊泰所修并饌堂神廚神庫 牲房號舍二十四間堂後左右各十間內有觀德亭三楹今 悉廢學倉在學宮東北隅今廢

玉泉書院在文廟左乾隆三十一年知縣額樂春創建原置 地二十二畝乾隆四十四年知縣戴治捐置地三百八十畝 七分道光二十一年知縣張錢倡捐膏火於邑人士發商生 息者三千六百金邑人連江增修房舍規模一新知縣張錢 俱有碑記見藝文

社學在縣治前左西向弘治間知縣楊泰徐政相繼繕修正

澄城縣志

卷六

學校

三

德間就圯嘉靖初遺址幾沒於人教讀張東白御史臺復還 於官知縣徐效賢建修邑人楊庭作記見藝文知縣敖佐仍 於各里考選教讀子弟鬱起崇正癸酉知縣王選重修今廢 國朝設立社學田四十畝租一石七斗二升九合五勺壺前 書院在縣北馮原鎮乾隆四十四年創建白水縣知縣王希 伊撰碑記

義學

吉安城義學在邑西北六十里國學生成文壇創建置地五 十畝爲塾師修脯貲

韋莊義學在邑南五十里附貢生東序球設立每年捐貲延 師以便鄉人之貧不能讀者

樊家川義學在邑西南三十五里村人樊天德創建施地四十餘畝

北酥酪村義學在邑南四十里候選布政司經歷連溥濟於道光二十二年創建施地四十畝

柏社村義學在邑東北十五里村人王之棟創建由募化得金置地三十畝里中幼讀便之

嚴莊義學在邑北六十里村人監生李邦傑庠生李生蘭捐府知事李逢泰同創建於道光十二年施地一頃四十餘畝
韋家社義學在邑西北四十里村人韋思睿設立施莊基半院地十畝

寺前鎮義學在邑東南四十里鎮人袁振山設立施地二十

澄城縣志

卷六

學校

四

一畝

孫堡村義學在邑北七十里庠生李生蘭創建於道光九年施地一頃

何家樓村義學在邑南四十里嘉慶辛酉舉人連毓太設立田漑淋布政司理問縣南北棘茨村人設義學於本村

張家莊義學在邑西北三十里係張姓合族設立有地四十畝知縣梁大燾匾其門曰人文蔚起創修於乾隆庚寅外無碑可考

蔡鄧村義學在邑北 十里係閭社同立置地三十畝有碑業善村義學在縣南五十里村人李邦彥創建施千金爲延師資

